



PRIJEDLOG

Na osnovu člana 29. tačka 2., a u vezi sa članovima 174. i 174 a. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10), te člana 6. Odluke o organizovanju i funkcionisanju zaštite i spašavanja ljudi i materijalnih dobara od prirodnih i drugih nesreća na području općine Tešanj ("Službeni glasnik Općine Tešanj", broj: 2/08, 9/09, 2/14 i 9/15) i člana 14. Statuta Općine Tešanj, ("Službeni glasnik Općine Tešanj", broj: 11/07) na prijedlog Općinskog načelnika, Općinsko vijeće Tešanj na sjednici _____ održanoj dana _____ 2017. godine, d o n o s i

ODLUKU O DONOŠENJU PROGRAMA RAZVOJA ZAŠTITE I SPAŠAVANJA OD PRIRODNIH I DRUGIH NESREĆA OPĆINE TEŠANJ ZA PERIOD 2017. – 2021. GODINA

Član 1.

Ovom Odlukom donosi se Program razvoja zaštite i spašavanja od prirodnih i drugih nesreća općine Tešanj za period 2017.-2021. godina (u nastavku teksta: Program razvoja).

Član 2.

Program razvoja u skladu sa metodologijom za izradu sadrži:

- 1) zaključke iz Procjene ugroženosti Općine Tešanj;
- 2) podatke o stanju organiziranosti civilne zaštite i dostignutom stepenu zaštite i spašavanja od pojedinih prirodnih i drugih nesreća na području općine Tešanj;
- 3) preventivne mjere zaštite i spašavanja koje će se provoditi;
- 4) osnovne ciljeve, zadatke i način ostvarivanja zaštite i spašavanja, sa smjernicama za organiziranje snaga i sredstava civilne zaštite, odnosno snaga zaštite i spašavanja;
- 5) osnove za izradu Programa obučavanja i osposobljavanja u zaštiti i spašavanju;
- 6) smjernice za istraživačku i razvojnu djelatnost od značaja za zaštitu i spašavanje;
- 7) pregled očekivanih troškova, sa izvorima financiranja.

Član 3.

Program razvoja nalazi se u prilogu ove Odluke i čini njen sastavni dio.

Član 4.

Za realizaciju Programa razvoja nadležan je Općinski štab civilne zaštite, koji za svaku godinu Programa razvoja donosi Finansijski plan sa realizacijom zadataka.

Izveštaj o realizaciji godišnjeg Finansijskog plana Općinski štab civilne zaštite podnosi Općinskom načelniku.

Član 5.

Ova Odluka stupa na snagu danom objavljivanja u "Službenom glasniku općine Tešanj".

Broj: 01-44-4-2017-___/17

Datum: _____ 2017. godine

PREDSJEDAVAJUĆI OV

Senad N. Subašić, dipl.ecc

I PRAVNI OSNOV

Pravni osnov za donošenje Programa razvoja zaštite i spašavanja općine Tešanj sadržano je u članu 29. tačka 2. i članovima 168. do 174. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03,22/06 i 43/10) i Statuta općine Tešanj ("Službeni glasnik općine Tešanj", broj 11/07).

II OBRAZLOŽENJE

Zakonom o zaštiti i spašavanju ljudi i materijalnih dobara od prirodnih i drugih nesreća u članu 29. definisane su nadležnosti općine u pogledu donošenja Programa razvoja, a u tački 174. tačka 4. propisana je obaveza i nadležnost izrade i donošenja Programa razvoja zaštite i spašavanja.

Razlozi za donošenje ovog Programa razvoja proizlaze iz odredaba Zakona o zaštiti i spašavanju ljudi i materijalnih dobara od prirodnih i drugih nesreća i potrebe organiziranja i provođenja zaštite i spašavanja ljudi od prirodnih i drugih nesreća na području općine Tešanj. Program razvoja predstavlja dokument koji određuje ciljeve, politiku i strategiju razvoja zaštite i spašavanja i omogućuje usmjeravanje sredstava za zaštitu i spašavanje u one razvojne ciljeve koji su definisani Programom razvoja.

Predloženi Program razvoja zaštite i spašavanja općine Tešanj predstavljaju realnu osnovu za nastavak izgradnje sistema zaštite i spašavanja i dostizanje određenog nivoa razvoja zaštite i spašavanja, te predlažemo usvajanje u predloženom obliku.

Obrađivač:
SLUŽBA CIVILNE ZAŠTITE
Pomoćnik općinskog načelnika
mr. sig. Mensur Saletović, prof.



Predlagač:
OPĆINSKI NAČELNIK

Mr. Sc. Suad Huskić,

Broj: 02-44-4-2017/17

Datum: 12.09.2017.godine